



Broj: 06-1-07-3-2990/24
Sarajevo, 08.04.2025. godine

Na osnovu člana 2.9 stav (1) tačka 11, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i Poglavlja V. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 31/24), Centralna izborna komisija Bosne i Hercegovine je na 18. sjednici, održanoj 08.04.2025. godine, **d o n i j e l a**

O D L U K U

o utvrđivanju rezultata posrednih izbora i dodjeli mandata iz Općinskog vijeća Centar Sarajevo za Gradsko vijeće Grada Sarajeva

- (1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Centar Sarajevo, kako slijedi:
1. Kandidatska lista grupe vijećnika AMER HERENDA, SONJA MUŠIĆ, HAMDIIJA HASANOVIĆ, **dobila je šest (6) glasova,**
 2. Kandidatska lista grupe VIJEĆNIKA MUHAREMOVIĆ, KARAČIĆ I ZAČINOVIĆ, **dobila je šest (6) glasova,**
 3. Kandidatska lista ADEMOVIĆ I OSTALI, **dobila je sedam (7) glasova,**
 4. Kandidatska lista POG NAŠA STRANKA, **dobila je sedam (7) glasova,**
 5. Kandidatska lista grupe vijećnika NS, **dobila je nula (0) glasova,**
 6. Kandidatska lista grupe vijećnika NS 2, **dobila je nula (0) glasova,**
 7. Kandidatska lista SOCIJALDEMOKRATSKE PARTIJE BIH, **dobila je pet (5) glasova.**
- (2) Centralna izborna komisija Bosne i Hercegovine dodjeljuje mandate u Gradskom vijeću Grada Sarajeva iz Općinskog vijeća Centar Sarajevo sljedećim vijećnicima:
1. **Jasmin Ademović,**
 2. **Alen Girt,**
 3. **Zvonko Ivišić,**
 4. **Zlatko Ilić,**
 5. **Sonja Mušić,**
 6. **Svjetlana Šošić i**
 7. **Amer Herenda.**

O b r a z l o ž e n j e

Općinsko Vijeće Centar Sarajevo dostavilo je, dana 06.02.2025. godine, Centralnoj izbornoj komisiji BiH akt, broj: 01-45-52/25 od 05.02.2025. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva.

Članom 27. stav (1) i stav (2) Statuta Grada Sarajeva („Službene novine Kantona Sarajevo“, broj: 7/23), propisano je da se Gradsko vijeće sastoji od 28 gradskih vijećnika i svako općinsko vijeće općina koje čine Grad Sarajevo bira po sedam delegata u Gradsko vijeće iz reda općinskih vijećnika.

Stavom (3) istog člana Statuta Grada Sarajeva određeno je da Bošnjacima, Hrvatima i Srbima, kao konstitutivnim narodima, pojedinačno je zagarantovan minimum od šest mjesta u Gradskom vijeću, a grupi Ostalih najmanje dva mjesta, bez obzira na izborne rezultate.

Dalje, stavom (4) istog člana određeno je ukoliko se izborom gradskih vijećnika iz reda općinskih vijećnika ne može popuniti minimalan broj mjesta zagarantovan stavom (3) ovog člana, gradski vijećnici se biraju iz reda kandidata s lista političkih stranaka zastupljenih u općinskim vijećima, a na osnovu izbornih rezultata.

U skladu sa članom 28. stav (4) Statuta Grad Sarajeva, svako općinsko vijeće koje čini Grad Sarajevo ima obavezu delegirati u Gradsko vijeće najmanje po jednog kandidata iz reda svakog konstitutivnog naroda.

U postupku izbora vijećnika za Gradsko vijeće Grada Sarajeva, od 31 vijećnika u Općinskom vijeću Centar Sarajevo, glasali su svi vijećnici za prethodno ovjerenih sedam (7) kandidatskih listi.

Na osnovu uvida u dostavljeni materijal utvrđeni su sljedeći rezultati:

1. Kandidatska lista grupe vijećnika AMER HERENDA, SONJA MUŠIĆ, HAMDIIJA HASANOVIĆ, dobila je šest (6) glasova,
2. Kandidatska lista grupe VIJEĆNIKA MUHAREMOVIĆ, KARAČIĆ I ZAČINOVIĆ, dobila je šest (6) glasova,
3. Kandidatska lista ADEMOVIĆ I OSTALI, dobila je sedam (7) glasova,
4. Kandidatska lista POG NAŠA STRANKA, dobila je sedam (7) glasova,
5. Kandidatska lista grupe vijećnika NS, dobila je nula (0) glasova,
6. Kandidatska lista grupe vijećnika NS 2, dobila je nula (0) glasova,
7. Kandidatska lista SOCIJALDEMOKRATSKE PARTIJE BIH, dobila je pet (5) glasova.

Članom 28. stav (8) i stav (9) Statuta Grada Sarajeva, propisano je da se mandati za Gradsko vijeće dodjeljuju kandidatskim listama, prema broju dobijenih glasova, po sistemu proporcionalne zastupljenosti kandidata sa kandidatskih lista, u skladu s Izbornim zakonom Bosne i Hercegovine, odnosno, dijele se po redu, počev od najvećeg količnika, dok se ne raspodjele svi mandati iz općinskog vijeća za Gradsko vijeće. Raspodjela mandata među kandidatima s iste kandidatske liste vrši se prema redoslijedu kandidata na kandidatskoj listi.

Odredbom člana 13.10 stav (2) Izbornog zakona Bosne i Hercegovine propisano je „da mandati za gradsko vijeće, odnosno skupštinu grada dodjeljuju se kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.

Imajući u vidu naprijed navedenu zakonsku odredbu, raspodjelom mandata u Gradsko vijeće Grada Sarajeva, prema utvrđenim rezultatima iz stava (1) dispozitiva ove odluke, bilo bi delegirano tri vijećnika iz reda bošnjačkog naroda, dva vijećnika iz reda hrvatskog naroda i dva vijećnika iz kategorije ostalih, te nijedan vijećnik iz reda srpskog naroda.

Općinsko vijeće Centar Sarajevo za Gradsko vijeće Grada Sarajeva, od sedam izabranih gradskih vijećnika, nije delegiralo najmanje jednog kandidata iz reda konstitutivnih naroda, **odnosno nije delegiran vijećnik iz reda srpskog naroda.**

Odredbama člana 28. stav (11) i stav (12) Statuta Grada Sarajeva propisano je da ukoliko se ovako provedenim izborima u općinskom vijeću za Gradsko vijeće, među sedam izabranih gradskih vijećnika, ne dobije minimalno potrebna zastupljenost vijećnika iz pojedinog konstitutivnog naroda, kako je to navedeno u stavu (5) ovog člana, umjesto izabranog vijećnika, za Gradsko vijeće s **najmanjim količnikom** iz reda naroda za koji je i bez tog vijećnika zadovoljena minimalna zastupljenost, delegira se općinski vijećnik pripadnik naroda koji nije zastupljen u potrebnom broju među delegatima iz tog općinskog vijeća, a koji je na kandidatskoj listi kojoj pripada **sljedeći najveći količnik**. Ukoliko na toj kandidatskoj listi nema kvalificiranog kandidata, utvrđuje se sljedeći najveći količnik, i tako sve dok se ne dođe do kvalificiranog kandidata.

Međutim, stavom (4) istog člana Statuta propisano je da prilikom formiranja kandidatske liste, predlagač iz stava (3) ovog člana vodi računa o tome da općinsko vijeće ima obavezu delegirati u Gradsko vijeće najmanje po jednog kandidata iz reda svakog konstitutivnog naroda, a općinsko vijeće u kojem je, u usporedbi s drugim općinskim vijećima, **zastupljen veći broj općinskih vijećnika iz reda određenog konstitutivnog naroda, odnosno iz reda ostalih, ima obavezu delegirati u Gradsko vijeće, srazmjerno veći broj vijećnika pripadnika pojedinog konstitutivnog naroda, odnosno vijećnika iz reda ostalih.**

Imajući u vidu navedene odredbe, Općinsko vijeće Centar Sarajevo ima obavezu delegirati u Gradsko vijeće Grada Sarajeva tri kandidata iz reda srpskog naroda, budući da Općinsko vijeće Centar Sarajevo na ovjerenim kandidatskim listama ima pet (5) kandidata iz reda srpskog naroda.

Uvidom u ovjerene kandidatske liste iz Općinskog vijeća Centar Sarajevo, utvrđeno je da se na četiri kandidatske liste nalaze neizabrani kandidati iz reda srpskog naroda, i to:

- na kandidatskoj listi grupe vijećnika AMER HERENDA, SONJA MUŠIĆ, HAMDIIJA HASANOVIĆ, na poziciji broj 2, nalazi se neizabrani kandidat iz reda srpskog naroda, Sonja Mušić,
- na kandidatskoj listi POG NAŠA STRANKA, na poziciji broj 3, nalazi se neizabrani kandidat iz reda srpskog naroda, Zlatko Ilić,
- na kandidatskoj listi grupe vijećnika NS, na poziciji broj 1, nalazi se neizabrani kandidat iz reda srpskog naroda, Sara Arslanagić i
- na kandidatskoj listi SOCIJALDEMOKRATSKE PARTIJE BIH, na poziciji broj 2 i 3, nalaze se neizabrani kandidati iz reda srpskog naroda, Svjetlana Šošić i Dragan Stevanović.

Najmanji količnik je identičan za dvije kandidatske liste **(2,33)**: kandidatska lista ADEMOVIĆ I OSTALI i kandidatska lista POG NAŠA STRANKA.

Na kandidatskoj listi ADEMOVIĆ I OSTALI nema kandidata iz reda srpskog naroda.

Na kandidatskoj listi POG NAŠA STRANKA, na poziciji broj 3, nalazi se neizabrani kandidat iz reda srpskog naroda, Zlatko Ilić.

Primjenom člana 28. stav (11) i stav (12) Statuta Grada Sarajeva, u postupku preraspodjele mandata, odnosno, umjesto kandidatu sa kandidatske liste POG NAŠA STRANKA, pod brojem 2. Hena Fajić (Hrvatica), mandat u Gradskom vijeću Grada Sarajeva delegira se Zlatku Iliću, neizabranom kandidatu iz reda srpskog naroda, sa iste kandidatske liste.

Nadalje, sljedeći najmanji količnik ima kandidatska lista grupe vijećnika ADEMOVIĆ I OSTALI, koja na svojoj listi nema neizabranog kandidata iz reda srpskog naroda, te se primjenom člana 28. stav (11) i stav (12) Statuta Grada Sarajeva, u postupku preraspodjele drugog mandata, odnosno, umjesto kandidatu pod brojem 2. Veliji Katici (Ostali), mandat u Gradskom vijeću Grada Sarajeva delegira Sonji Mušić, neizabranoj kandidatkinji iz reda srpskog naroda, sa kandidatske liste grupe vijećnika AMER HERENDA, SONJA MUŠIĆ, HAMDIIJA HASANOVIĆ, pod brojem 2.

Za preraspodjelu mandata iz reda srpskog naroda iz Općinskog vijeća Centar Sarajevo za Gradsko vijeće Grada Sarajeva, izvršen je uvid u narednu kandidatsku listu sa namanjim količnikom, te je utvrđeno da su dvije kandidatske liste sa identičnim najmanjim količnikom (6), i to:

1. kandidatska lista grupe vijećnika AMER HERENDA, SONJA MUŠIĆ, HAMDIIJA HASANOVIĆ i
2. kandidatska lista grupe vijećnika MUHAREMOVIĆ, KARAČIĆ I ZAČINOVIĆ.

Nadalje, naredna kandidatska lista koja ima sljedeći najveći količnik (5), a među kandidatima pod brojem 2. i pod brojem 3. ima neizabrane kandidate iz reda srpskog naroda, je kandidatska SOCIJALDEMOKRATSKE PARTIJE BIH.

Slijedom navedenog, najmanji količnik je identičan za dvije kandidatske liste (6), te se primjenom člana 28. stav (11) Statuta Grada Sarajeva, u postupku treće preraspodjele mandata, iz reda srpskog naroda, mandat dodjeljuje Svjetlani Šošić, neizabranoj kandidatkinji sa kandidatske liste SOCIJALDEMOKRATSKE PARTIJE BIH, pod rednim brojem 2, a umjesto kandidata pod rednim brojem 1 na dvije kandidatske liste sa identičnim količnikom, Amer Herenda (Bošnjak) sa kandidatske liste grupe vijećnika AMER HERENDA, SONJA MUŠIĆ, HAMDIIJA HASANOVIĆ ili Mehmed Muharemović (Bošnjak) sa kandidatske liste grupe vijećnika MUHAREMOVIĆ, KARAČIĆ I ZAČINOVIĆ, a nakon provedenog postupka žrijebanja, u skladu s Poglavljem II Uputstva o dodjeli i prestanku mandata ("Službeni glasnik BiH", broj 31/24 i 13/25).

U skladu s navedenim, Centralna izborna komisija Bosne i Hercegovine je, aktom broj 06-1-07-1-2990/24 od 03.04.2025. godine, dostavila Općinskom vijeću Centar Sarajevo obavijest o potrebi provedbe postupka žrijebanja za dvije kandidatske liste sa dva identična količnika, a sa kojih je potrebno izvršiti preraspodjelu mandata, a kako bi bilo moguće utvrditi posljednji mandat iz Općinskog vijeća Centar Sarajevo za Gradsko vijeće Grada Sarajeva.

Dana 08.04.2025. godine, u prostorijama Centralne izborne komisije Bosne i Hercegovine, provrđen je postupak žrijebanja, u skladu s Poglavljem II Uputstva o dodjeli i prestanku mandata, za dvije kandidatske liste sa dva identična količnika, a sa kojih je potrebno izvršiti preraspodjelu mandata, pri čemu je utvrđeno da se neizabranoj kandidatkinji sa kandidatske liste SOCIJALDEMOKRATSKE PARTIJE BIH, pod rednim brojem 2, Svjetlani Šošić, dodjeljuje mandat vijećnice za Gradsko vijeće Grada Sarajeva, umjesto kandidata pod rednim brojem 1, Mehmeda Muharemovića (Bošnjak) sa kandidatske liste grupe vijećnika MUHAREMOVIĆ, KARAČIĆ I ZAČINOVIĆ.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 08.04.2025. godine na internetskoj stranici Centralne izborne komisije Bosne i Hercegovine, www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo, putem faks aparata na broj: 033/251-329 ili elektronskom poštom na e-mail adresu: kontakt@izbori.ba.



Zamjenice predsjednicu
Zoran Rogić, član